

Band X., Nr. 4452, Seite 190-191

*Die Brüder Walter und Rudolf von Emerkingen schenken dem Kloster
Zwiefalten Güter in Bechingen und Zell.*

Emerkingen (Burg), 1293. Dezember 1.

In gotes namen. Amen. Wan wiser lute raht daz leret und diu beshaidinh[ait] ouch ratet, daz man brieven und geziugen impelhen sol, swaz man in ganzer gehugede behalten wil, so tûn wir Walter der ritter und Rûdolf min brüder von Anmerchigen kunt an disem brieve allen den, die in lesent alder horent lesen, daz wir durch die liebi und die hainlichi, die wir sundirbarliche haben zû dem goteshuse Zvivultûn gehabt, die aigenshafte des gûtes daz ist gehaizen des Germeres gût ze dem dorfe ze Bechingen und der wise diu ist gehaizen gerute und der wise diu ist gehaizen des Egers wise und ouch der wise diu ist gehaizen des Bruwen wise, die gelegen sint bi den dorferen ze Bechingen und ze Zelle, gaben dem vor genanten closter Zvivultûn und saztun die selbun haigenschaft in die hende der erberen herro abbet Eberhartes und der same-nunge des selben closters und aller ir nahcommeder immer me frilich ze hende ane alle unser widerforderunge und unser erbo und aller unser nahcomendo. Und daz daz stete belibe von uns und allen unsern nachomenden so geben wir ze ainem ganzen urkunden den vor gemanten herrun und ir goteshuse disen brieve alles des hie vor ist gescriben dar an und geurkundot besigele-ten mit unseren insigelen und getriwelich gevestenot.

 Dirre brief wart gegeben in der burch ze Anmerchigen, an dem nahsten tage nah sante Anders tage, in dem jare, do von gotes geburte waren tusent zwai hundert niunzige und driu jare.

—

Textabdruck folgt dem Original.

 Rest des ersten Siegels mit dem Doppelhaken der Herrn von Emerkingen.

Überlieferung und Publikationen

Lagerort:

HStA Stuttgart

Signatur/Titel des Originals:

B 551 U 262

Überlieferung und Textkritik:

Original und Papierkopie. War auch im 1944 durch Fliegerangriff verbrannten Diplomatar HStA Stuttgart H 14 Nr. 362, S. 166b.

Weitere Angaben

Sprache:

Deutsch

Ausstellungsort:

Emerkingen (Burg)

Ortsindex:

Bechingen Wohnplatz (17479)
 Bechingen, Riedlingen, BC
 Emerkingen Wohnplatz (16806)
 Emerkingen, UL
 Zell Wohnplatz (17489)
 Zell, Riedlingen, BC
 Zwiefalten Wohnplatz (16028)
 Zwiefalten, RT